

ხელშეკრულება
სახელმწიფო შესყიდვების შესახებ N 01-03-55

ქ. თბილისი

09 მარტი 2018 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის გიორგი მაჩაბლის სახით;

მისამართი: ქ. თბილისი, გმირი კურსანტების ქ. №4;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „დელტა ჯორჯია“, წარმოდგენილი მისი დირექტორის ჯევათ გუვენის სახით;

მისამართი: ქ. ბათუმი, შერვაშიძის აღმართი N 28;

საიდენტიფიკაციო კოდი: 445393823;

საბანკო რეკვიზიტები: სს „თი ბი სი“, ბანკის კოდი: TBCBGE22, ა/ა: GE03TB7337736020100004

ერთი მხრივ, შემსყიდველი და მეორე მხრივ მიმწოდებელი, ჩატარებული ელექტრონული ტენდერის (სატენდერო განაცხადის ნომერი SPA180001559) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. „ვალდებულების არაჯეროვანი შესრულება“ – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.

1.3. „ხელშეკრულებით ნაკისრი ვალდებულების შესრულების ვადების გადაცდენა“ – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანს წარმოადგენს სსიპ-მასწავლებელთა პროფესიული განვითარების ეროვნული ცენტრისთვის სასტუმრო-საკონფერენციო მომსახურების (55110000 - სასტუმროში დაბინავების მომსახურება, 55120000 - სასტუმროში შეხვედრებისა და კონფერენციების ორგანიზების მომსახურება, 55130000 - სასტუმროსთან დაკავშირებული სხვა მომსახურებები) შესყიდვა.

მუხლი 3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 35398.82 (სამოცდაოთხი ათას ცხრაასი) ლარი დღგ-ს ჩათვლით.

3.3. გასაწევი მომსახურების ჩამონათვალი, რაოდენობა და ერთეულის ფასები მოცემულია დანართში N1.

3.4 დაფინანსების წყარო: სსიპ - მასწავლებელთა პროფესიული განვითარების ეროვნული ცენტრის ქვეპროგრამა „ასწავლე და ისწავლე საქართველოსთან ერთად“.

მუხლი 4. შესასყიდი ობიექტის ხარისხი

4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება შემდეგ პირობებს:

4.1.1 საკონფერენციო, სატრენინგო მომსახურება უნდა განხორციელდეს შემდეგნაირად:

1) ერთი საკონფერენციო დარბაზი 1 დღე 105 (ას ხუთი) მონაწილეზე. საკონფერენციო დარბაზში უზრუნველყოფილი უნდა იყოს მინიმუმ შემდეგი საკანცელარიო და ტექნიკური რესურსი:

1 (ერთი) მობილური და 1 (ერთი) დასადგამი მიკროფონი; დაფა, ბორდ მარკერი (2 სხვადასხვა ფერის 3-3 ცალი); პროექტორი და პროექტორის დაფა; ფლიპ ჩარტი - 2 შეკვრა; ლეპტოპი; ხმის გამაძლიერებელი; ინტერნეტი; მაგიდები და სკამები 105 პერსონაზე; 1 კათედრა 5 ადამიანზე; თითოეულ მონაწილეზე 0.5 ლიტრი სასმელი/მინერალური წყალი; ბლოკნოტი (ფორმატი A4) - 105 ერთეული; საწერი კალამი - 105 ერთეული.

2) ექვსი ტრენინგ ოთახი - 3 დღე. თითოეულ ტრენინგ ოთახში უზრუნველყოფილი უნდა იყოს მინიმუმ შემდეგი საკანცელარიო და ტექნიკური რესურსი:

სამუშაო მაგიდები (თითო მაგიდა 4-5 მონაწილისათვის) და სკამები 20 მონაწილისათვის; ფერადი სტიკერები (2-3 სხვადასხვა ფერის); მინიმუმ ერთი შეკვრა A4 ფორმატის საბეჭდი ქაღალდი; ფლიპ ჩარტი - 2 შეკვრა; ფლომასტერები (1 შეკვრა); სკოჩი - 2 ცალი; თეთრი დაფა, დაფის ბორდ მარკერი (2 სხვადასხვა ფერის 3-3 ცალი); პერმანენტ მარკერები - 4 სხვადასხვა ფერის 3-3 ცალი; პროექტორი და პროექტორის დაფა; ლეპტოპი; დინამიკები; ინტერნეტი; ტრენინგის მონაწილეები უზრუნველყოფილნი უნდა იყვნენ ერთი ლიტრი (ბოთლით) წყლით/მინერალური წყალით (თითო პერსონა).

3) 1 (ერთი) სამუშაო ოთახი - 3 დღე პროგრამის თანამშრომლებისთვის. მისი სივრცე გათვლილი უნდა იყოს არანაკლებ 3 პერსონაზე შესაბამისი ავეჯის (მაგიდები და სკამები) თანხლებით. ოთახი უზრუნველყოფილი უნდა იყოს უწყვეტი უკაბელო ინტერნეტით Wifi და წყალი ერთი ლიტრი (ბოთლით) წყლით/მინერალური წყალით (თითო პერსონა);

4) საკონფერენციო დარბაზში, ტრენინგისა და სამუშაო ოთახებში უნდა იყოს გამართული კონდიციონერი (გათბობა-გაგრილების საშუალება). ტრენინგ ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);

5) საკონფერენციო, სატრენინგო და სამუშაო ოთახები არ უნდა იყოს სარდაფში ან ნახევრად სარდაფში. ოთახებს უნდა ჰქონდეს დღის ბუნებრივი განათება (უფანჯრო ოთახები არ განიხილება); სატრენინგო ოთახები არ უნდა ემიჯნებოდეს სამზარეულო სივრცეს.

4.1.2. მონაწილეთა სასტუმროში დაბინავების მომსახურება უნდა განხორციელდეს შემდეგნაირად:

1) 9 მონაწილე - ერთადგილიანი ნომრებში;

2) 96 მონაწილე - ორადგილიანი ნომრებში.

3) სასტუმრო ნომრები აღჭურვილი უნდა იყოს ინდივიდუალური სველი წერტილებით, ცივი და ცხელი წყლით (24 საათი), კონდიციონერა/გათბობის გამართული სისტემით (24 საათი); ნომერში უზრუნველყოფილი უნდა იყოს მინიმუმ 1 ლიტრი სასმელი წყალი თითოეულ პერსონაზე; ორადგილიან და/ან სამადგილიან ნომრებში უნდა იყოს ცალკე-ცალკე საწოლები (გასაშლელი საწოლი არ მოიაზრება); ოთახებში დაცული უნდა იყოს სანიტარული ნორმები და იყოს შესაბამისი რაოდენობის პირველადი ჰიგიენის პროდუქტები (საპონი, შამპუნი, დასაბანი გელი და სხვა);

4) სასტუმროს პერსონალმა უნდა უზრუნველყოს სტუმრების ტვირთის მიტანა ნომრებამდე და მისი შემდგომი უსაფრთხოება;

5) სასტუმრო ნომრებს უნდა ჰქონდეს ინტერნეტთან მუდმივი წვდომა - WiFi ქსელი.

6) საჭიროების შემთხვევაში (ჯანმრთელობის მდგომარეობის გაუარესება ან სხვა ობიექტური გარემოება) შესაძლებელი უნდა იყოს დამატებითი მინ. 2 ერთადგილიანი ნომრით სარგებლობა. ასევე, ავტოსარანსპორტო საშუალებით სარგებლობა.

4.1.3. კვებითი მომსახურება უნდა განხორციელდეს შემდეგნაირად:

1) კვებითი მომსახურება მოიცავს სამჯერად კვებას და ყავა/ჩაის შესვენებას. შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. მენიუ უნდა მოიცავდეს ვეგეტარიანულ, ასევე სამარხვო და არასამარხვო კერძებს, ამასთან მენიუ უნდა შეიცავდეს:

საუზმე:

ცხელი კერძი (3 სახეობის); გარნირი (2 სახეობის); რძის ნაწარმი (2 სახეობის); ძეხვეული (2 სახეობის); ცომეული (2 სახეობის); დესერტი (3 სახეობის); სასმელი (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით)).

სადილი:

ცხელი კერძი (3 სახეობის, მ/შ 1 - წვნიანი); ცივი კერძი (5 სახეობის); ცომეული (2 სახეობის); დესერტი (2 სახეობის); ხილი; სასმელი: გამაგრილებელი სასმელი, ნატურალური წვენი, მინერალური სასმელი

ვახშამი:

ცხელი კერძი (3 სახეობის); გარნირი (3 სახეობის); ძეხვეული (2 სახეობის); რძის ნაწარმი (2 სახეობის); დესერტი (3 სახეობის); ცომეული (2 სახეობის); სასმელი (ყავა, ჩაი, გამაგრილებელი სასმელი, ნატურალური წვენი, მინერალური სასმელი (ჩაი და ყავა უნდა იყოს შეუზღუდავი რაოდენობით)).

ყავის შესვენება: ყავა, ჩაი, არანაკლებ 2 სახის ნამცხვარი კრემით და ნამცხვარი სამარხვო 1 სახის (ქარხნული დამზადების ე.წ. „პეჩენია“ არ განიხილება).

2) კვებით მომსახურება უნდა განხორციელდეს შემდეგნაირად:

11 მარტს - სადილი, ყავის შესვენება, ვახშამი;

12 და 13 მარტს - საუზმე, სადილი, ვახშამი, ყავის შესვენება (დღეში ორჯერ);

14 მარტს - საუზმე.

შენიშვნა: სასადილო ოთახში უნდა იყოს გამართული კონდიციონერი (გათბობა-გაგრილების საშუალება). კვებითი მომსახურების ზუსტი დრო დამატებით უნდა შეთანხმდეს შემსყიდველთან.

4.1.4 აუცილებელი მოთხოვნები:

1) სასტუმროში დაბინავება, სატრენინგო მომსახურება და კვებითი მომსახურება მიმწოდებლის მიერ უნდა განხორციელდეს ერთ სივრცეში, ერთი სასტუმროს მიერ.

2) ნომრებსა და სატრენინგო ოთახებში უნდა იყოს გამართული კონდიციონერი (გათბობა/გაგრილების საშუალება). ტრენინგ ოთახები უნდა იყოს იზოლირებული და ერთმანეთისგან დამოუკიდებელი (ფარდით ან სხვა საშუალებით გამოყოფა არ მოიაზრება);

3) ნომრები და სატრენინგო ოთახები არ უნდა იყოს სარდაფში ან ნახევრად სარდაფში. ოთახებს უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა ნიავედებოდეს; სატრენინგო ოთახები არ უნდა ემიჯნებოდეს სამზარეულო სივრცეს

4.1.5. ტრანსპორტირება:

1) მაქსიმუმ 105 მონაწილის ტრანსპორტირება ეტაპობრივად, საქართველოს რეგიონებიდან სასტუმრომდე და უკან. სასტუმროში შესვლა უნდა მოხდეს 11 მარტს არაუგვიანეს 13:00 საათისა და გამომგზავრება სასტუმროდან 14 მარტს არაუგვიანეს 12:00 საათისა. საქართველოს სხვადასხვა რეგიონში (რეგიონების ჩამონათვალი, პერსონათა რაოდენობა და ტრანსპორტირების დაწყების და დასრულების ადგილი რაიონული ცენტრების მიხედვით მოცემულია ხარჯთაღრიცხვაში);

2) ტრანსპორტირება უნდა განხორციელდეს მაქსიმუმ 20 ადგილიანი მიკროავტობუსებით ან მსუბუქი ავტომობილებით იმ რეგიონებიდან სადაც მგზავრთა რაოდენობა მინიმალურია;

3) სატრანსპორტო საშუალება უნდა იყოს საექსპლუატაციოდ გამართულ მდგომარეობაში; ტრანსპორტირების დროს დაცული უნდა იყოს უსაფრთხოების ყველა ნორმა;

4) სატრანსპორტო საშუალება აღჭურვილი უნდა იყოს გათბობა-კონდიციონერების გამართული სისტემით.

4.2 მიმწოდებელი აცხადებს, რომ გაწეული მომსახურება იქნება უნაკლო.

მუხლი 5. მომსახურების გაწევის ვადები და ადგილი

5.1 მომსახურების გაწევა განხორციელდება 2018 წლის 11-14 მარტს;

5.2 მომსახურების გაწევის ადგილი – ქალაქი ბთუმი, შერვაშიძის აღმართი N28, სასტუმრო „სპუტნიკი“.

მუხლი 6. შესასყიდი ობიექტის მიღება-ჩაბარების წესი

6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;

6.2 მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია;

6.3 მიღება-ჩაბარების აქტზე ხელმოწერის უფლებამოსილება ენიჭება სსიპ - მასწავლებელთა პროფესიული განვითარების ეროვნული ცენტრის ქვეპროგრამის „ასწავლე და ისწავლე საქართველოსთან ერთად“ მენეჯერს თეა ვახტანგაძეს. მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

7.1 ანგარიშსწორება განხორციელდება მიღება-ჩაბარების აქტის გაფორმების დღიდან 10 (ათი) სამუშაო დღის განმავლობაში;

7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 „შემსყიდველი“ ვალდებულია:

8.1.1 ხელშეკრულებით გათვალისწინებული პირობების შესაბამისად, აუნაზღაუროს „მიმწოდებელს“ გაწეული მომსახურების ღირებულება;

8.1.2 ხელშეკრულებით გათვალისწინებული მომსახურების გაწევისას საქმის კურსში ჩააყენოს „მიმწოდებელი“ ყველა განსაკუთრებული გარემოების შესახებ..

8.2 „შემსყიდველს“ უფლება აქვს:

8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;

8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;

8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.2.4 მოსთხოვოს მიმწოდებელს გამოვლენილი ნაკლის დაუყოვნებლივ აღმოფხვრა;

8.3 „მიმწოდებელი“ ვალდებულია:

8.3.1 დაიცვას ხელშეკრულებით გათვალისწინებული ყველა პირობა;

8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;

- 8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 საკუთარი ხარჯებით უზრუნველყოს შემსყიდველის მიერ გამოვლენილი ნაკლის აღმოფხვრა;
- 8.3.6 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია.

8.4 „მიმწოდებელს“ უფლება აქვს:

- 8.4.2 მოსთხოვოს „შემსყიდველს“ გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

- 9.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი ვადაგადაცილებული დღისათვის მხარეს ეკისრება პირგასამტეხლო შეუსრულებელი ვალდებულების ღირებულების 0.02 % ოდენობით;
- 9.2 მიმწოდებლის მიერ ხელშეკრულების არაჯეროვანი შესრულების შემთხვევაში მხარეს ეკისრება პირგასამტეხლო ხელშეკრულების ღირებულების 10 (ათი) % ოდენობით;
- 9.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური მოცულობა გადააჭარბებს ხელშეკრულების ღირებულების 5 (ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 9.4 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

- 10.1 შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;
- 10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;
- 10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის ქვეპროგრამა „ასწავლე და ისწავლე საქართველოსთან ერთად“ მიმართულების კოორდინატორი ნელი ყარაშვილი, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი;
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე;

11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2 მიმწოდებლის გაკოტრების შემთხვევაში;

11.4.3 საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

12. ხელშეკრულების პირობების გადასინჯვა

12.1 მხარეები უფლებამოსილი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;

12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;

12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული წესით გათვალისწინებული შემთხვევებისა;

12.4 ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;

13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან;

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2018 წლის 31 მაისის ჩათვლით.

მუხლი 15. დავები და მათი გადაწყვეტის წესი

15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;

15.2 თუ „შემსყიდველი“ და „მიმწოდებელი“ მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;

16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;

16.5 წინამდებარე ხელშეკრულება არ შეიცავს არანაირ სიტყვიერ დამატებას;

16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;

16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;

16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია ორი თანაბარი იურიდიული ძალის მქონე ეგზემპლარად, ქართულ ენაზე. ერთი ეგზემპლარი ინახება შემსყიდველთან, ერთი ეგზემპლარი გადაეცემა მიმწოდებელს;

16.10 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

„შემსყიდველი“

სსიპ - მასწავლებელთა პროფესიული
განვითარების ეროვნული ცენტრი


გიორგი მაჩაბელი
დირექტორი



„მიმწოდებელი“

შპს „დელტა ჯორჯია“

ჯევათ გუვენო
დირექტორი



მომსახურების ხარჯთაღრიცხვა

სასტუმრო/საკონფერენციო/სატრენინგო მომსახურება სასტუმროში დაბინავების მომსახურება (მაქსიმუმ 105 პერსონა)

№	გასაწევი მომსახურების დასახელება	რაოდენობა	დღეების/ღამეების რაოდენობა	ერთეულის ფასი	საერთო ფასი
1	სასტუმროს ნომრით მომსახურება, 2018 წლის 11-14 მარტი				
1.1	ერთადგილიანი ნომერი	9	3	59	1593
1.2	ორადგილიანი ნომერი	96	3	29.5	8496
ჯამი:					10089
შენიშვნა: *ერთეულის ფასში მოიაზრება ნომერში ერთი კაცის დაბინავების ღირებულება					
2	საკონფერენციო, სატრენინგო და სამუშაო ოთახის დაქირავება				
2.1	საკონფერენციო დარბაზი (105 პერსონაზე)	1	1	174.64	174.64
2.2	სატრენინგო ოთახი (20 პერსონაზე)	6	3	49.56	892.08
2.3	სამუშაო ოთახი (3 პერსონაზე)	1	3	59	177
ჯამი:					1243.72
3	კვებითი მომსახურება				
3.1	საუზმე (12-13-14 მარტი)	105	3	11.8	3717
3.2	სადილი (11-12-13 მარტი)	105	3	17.7	5575.5
3.3	ვახშამი (11-12-13 მარტი)	105	3	17.7	5575.5
3.4	ყავის შესვენება (11-12-13 მარტი)	105	5	5.9	3097.5
ჯამი:					17965.5
შენიშვნა: *ყავის შესვენება 12-13მარტს ნაანგარიშებია დღეში ორჯერ					
სულ:					29298.22

შენიშვნა: კვებითი მომსახურება უნდა განხორციელდეს შემდეგნაირად:

2018 წლის 11 მარტი -- ორჯერადი კვება (სადილი, ვახშამი, 1 ყავის შესვენება)

2018 წლის 12 მარტი -- სამჯერადი კვება (საუზმე, სადილი, ვახშამი, 2 ყავის შესვენება)

2018 წლის 13 მარტი -- სამჯერადი კვება (საუზმე, სადილი, ვახშამი, 2 ყავის შესვენება)

2018 წლის 11, 12 და 13 მარტი ყავის შესვენება (სულ 5-ჯერ).


ჩვენ ქვემოთ ხელისმომწერი, ინტერესთა კონფლიქტის თავიდან აცილების მიზნით, გავცანით „სახელმწიფო შესყიდვების შესახებ“ საქართველოს კანონის მე-8 მუხლოს (ინტერესთა კონფლიქტის თავიდან აცილების პირობები) და ხელის მოწერით ვადასტურებთ, რომ მიმწოდებლის მიმართ (შპს „დელტა ჯორჯია“) არ ვიმყოფებით ინტერესთა კონფლიქტში.

სსიპ - მასწავლებელთა პროფესიული განვითარების ეროვნული ცენტრის დირექტორი




/გ. მაჩაბელი/

სსიპ - მასწავლებელთა პროფესიული განვითარების ეროვნული ცენტრის ასწავლე და ისწავლე საქართველოსთან ერთად ქვეპროგრამის მენეჯერი



/თ. ვაბტანგაძე/


სსიპ - მასწავლებელთა პროფესიული განვითარების ეროვნული ცენტრის ასწავლე და ისწავლე საქართველოსთან ერთად ქვეპროგრამის მიმართულების კოორდინატორი



/ნ. ყარაშვილი/

ვიზირება:

სსიპ - მასწავლებელთა პროფესიული განვითარების ეროვნული ცენტრის დირექტორის მოადგილე



/დ. ხედელიძე/

სსიპ - მასწავლებელთა პროფესიული განვითარების ეროვნული ცენტრის ფინანსური და მატერიალური რესურსების სამსახურის უფროსის ფუნქციების დროებით შემსრულებელი



/ნ. გოგოლაშვილი/